

官費總數一百十三

明倫彙編 家範典 卷一百十三

學費 明倫彙編 家範典 卷一百十三

學費 明倫彙編 家範典 卷一百十三

學費 明倫彙編 家範典 卷一百十三

學費 明倫彙編 家範典 卷一百十三

學費 明倫彙編 家範典 卷一百十三

學費 明倫彙編 家範典 卷一百十三

學費 明倫彙編 家範典 卷一百十三

學費 明倫彙編 家範典 卷一百十三

學費 明倫彙編 家範典 卷一百十三

學費 明倫彙編 家範典 卷一百十三

弘簡錄卷一百十三

明刑部員外郎仁和弘齋邵經邦學

皇清翰林院侍講學士四世孫遠平校閱

宰輔 宋三之十五

史彌遠

史嵩之

鄭清之

祖

丁大全

賈似道

父涉

謝方叔

程元鳳

葉夢鼎

馬廷鸞

子端

王爚

章鑑

陳宜中

史彌遠字同叔浩之子初蔭補承事郎銓試第一調建康糧料

院改沿海制置司幹辦公事復登進士授大理司直遷太社令

太常主簿父憂起復諸王宮教授輪對乞旌廉潔之士推舉薦

之賞濬溝洫固隄防實倉廩均賦役課農桑禁末作為水旱之

備葺城郭脩器械選將帥練士卒儲粟穀明烽燧為邊鄙之防

丞相京鏜語曰君功名事業他日遠過鏜願以子孫爲託授密院編脩歷太常宗正二丞工刑二部郎官丐外知池州嘉泰四年提舉浙西常平開禧中改司封郎官兼國史編脩實錄檢討資善堂直講力疏侂冑歸邊非計或言恐詒太夫人憂奈何彌遠曰苟言而利國吾得罪甘心矣尋封鄞縣男兼權刑禮二部侍郎國史實錄院同脩撰時敗衄相屬都城震駭屢遣使求和金人不聽宮闈疑懼常若禍在旦暮然皆畏侂冑莫敢發彌遠見皇子詢力陳危迫之勢皇子遽入言之語在侂冑傳侂冑旣誅召對延和殿命簽書樞密院事力辭乃遷禮部尚書詢立爲太子彌遠兼詹事遣使詣金求和金人以大散隔牙二關及濠州來歸疏言今兩淮襄漢沿邊之地瘡痍未瘳軍實未充當勉厲將帥簡閱士卒繕城堡葺器械儲糗糧雖當聘使旣通之後

常如干戈未定之日。益擇帥守以壯藩屏之勢。盡拔雄勇以備  
緩急之求。拜密院同知兼太子賓客封奉化縣伯嘉定元年遷  
知樞密院事加封郡侯俄兼叅知政事十月拜右丞相兼樞密  
使又進太子少傅開國公十一月丁母憂太子請賜第行在令  
就第持服以便咨訪二年起復兼太子少師雪趙汝愚之冤釐  
正誣史褒贈朱熹彭龜年楊萬里呂祖儉其子孫皆錄用之太  
子薨復立宗室貴和爲皇子寧宗崩廢貴和擁立理宗皆彌遠  
主之朝廷初不預聞也理宗旣立欲收衆望勸上褒崇老儒詔  
徵傅伯成楊簡真德秀魏了翁寶慶初開拜少師封魏國公又  
勸上傾心順令以事太后力學脩德以荅天眷紹定元年上太  
后尊號加太傅夏得疾疏歸不許四年都城災乞罷降封奉化  
郡公五年復之六年又改封魯國公加食邑一千戶謝事拜太

傅保寧昭信兩軍節度充醴泉觀使加爵會稽郡王卒遺表聞  
帝震悼輟朝三日特贈中書令追封衛王諡忠獻戶部內帑賻  
贈銀絹遣使祭奠及喪還禮官路祭都門外賜纛珮玉黝纁襴  
遠深險有謀頗愛惜名器初誅李全復淮安克盱眙第功行賞  
諸將皆望不次彌遠曰御將之道譬如養鷹饑則依人飽則颺  
去曹彬下江南太祖未肯以使相與之況今邊戍未撤若一一  
遂其所求志得意滿猝有緩急孰肯效死趙善湘以從官開闢  
日夜望執政彌遠曰天族於國有嫌高宗詔止任從官不爲執  
政紹熙末汝愚以定策功權宜行之某與善湘姻家則又豈敢  
密友周鑄兄彌茂甥夏周篆彌遠皆寄以腹心然鑄老於布衣  
彌茂以執政恩入流周篆以捧香恩補官俱止訓武郎而已理  
宗立又獨相九年擅權川事端任儉壬濟王冤死公論不容而

彌遠反用李知孝梁成大等以爲薦大於是時之君子貶竄  
斥逐不遺餘力云長子宅之權戶部侍郎兼崇政殿說書  
東安撫使簽書樞密院同知院事次子宇之直華文閣密院副  
都承旨仍並賜同進士出身長孫同卿直寶章閣次孫紹卿良  
卿會卿晉卿並承事郎咸淳初寶似道當國仍賜公忠翊運定  
策元勲之名

史嵩之字子由彌遠從弟彌忠之子登進士調光化軍司戶差  
充京西湖北路制置司準備差遣升幹辦公事主管機宜文字  
通判襄陽經理屯田積穀至六十八萬轉兩官權知棗陽軍紹  
定二年遷軍器監丞尋兼制置司叅議官明堂恩封鄆縣男直  
祕閣京西運判兼提舉常平四年遷大理少卿兼京西湖北制  
置副使五年加大理卿兼權刑部侍郎升制置使兼知襄陽賜

便宜指揮端平元年破蔡滅金獻俘降詔獎諭進封子加  
御史王遂論其本不知兵矜功自侈謀身詭祕欺君誤國不報  
會出師河洛除爲兵部尚書與淮閫協謀掎角高之力陳非計  
疏爲六條上之詔令籌畫糧餉高之又奏臣熟慮根本周思利  
害荆襄連年水潦螟蝗饑饉流亡極力振救尚不聊生征調旣  
繁夫豈堪命其勢必至於主戶棄業以逃亡役夫中道而亂逸  
或聚而爲盜或未戰先潰正恐重貽宵旰之慮臣甘受遲鈍之  
譏思出萬全之計事關根本欲計其成先計其敗旣慮其始必  
慮其終書上力求罷去進寶章閣直學士提舉太平宮尋轉華  
文閣知隆興兼江西安撫使上因誦潰悔不用其言召見權刑  
部尚書疏言結人心作士氣覈實理財急於自治不可專恃和  
議轉知平江母病乞侍醫歸俄進寶章閣學士沿江制置副使

兼知鄂州便宜仍舊嘉熙元年進華文閣學士京西荆湖安撫  
制置使兼節制光黃蘄舒解廬州闔詔獎諭明堂恩進封伯條  
奏江淮各三事又陳十難言江陵非孟珙不可守乞勉諭之漢  
陽受攻帥師發江陵奏誅棄城張可大竄盧普李士遠二年黃  
州圍解詔獎諭拜端明殿學士恩數視執政進封奉化郡侯入  
覲拜叅知政事督視京西荆湖江西兼淮南西路光黃蘄夔施  
州軍馬置司鄂州十一月復光州守臣董堯臣伏誅司戶柳巨  
舉配雷州十二月復滁州三年除右丞相兼樞密使都督兩淮  
四川京西湖北江西軍馬進封公薦士三十二人董槐吳潛與  
焉復信陽軍發米拯淮民饑六月復襄陽自是邊境多以捷聞  
降詔獎諭四年趣召奏事淳祐元年進玉斧箴安南入貢不用  
正朔嵩之議如范仲淹邵西夏書例不敢聞于朝還之二年進

金紫光祿大夫封永國公加食邑四年丁父喪起復右丞相賜  
手詔趣行時以彌遠罪惡公論不容不欲嵩之再相於是太學  
生黃儆伯武學生翁日善京學生劉時舉宗學生與寔建昌軍  
學教授盧鉞等二百五十餘人皆上書論不當起復不報京尹  
趙與簾遂盡削遊士之籍將作監徐元杰劉鎮復極言帝意頗  
悟語司諫劉漢弼曰學校雖是公論但言之太過對曰公論乃  
國家元氣當保養之後漢弼與元杰皆暴死人謂嵩之致毒云  
先是從子璟卿常上書略曰比來伯父所行寢不克終用人之  
法不待舉刺而輒授美官譴責未幾而旋蒙叙理丁難未幾而  
遽被起復不知斯人果能運籌帷幄馳驟鞍馬而得之乎抑亦  
獻賂幕賓效顰奴僕而得之乎徒聞包苴公行傾婪私昵狼狽  
萬狀祖宗格法太表於今日自開督府以來民力隨竭倉廩空

虛惟見筆金帛。輓芻粟。不知所幹何事。所成何功。近聞川蜀不  
守。議者多歸咎退師於鄂之失。以爲盡損藩籬。深入堂奧。伯父  
謀身自固之計。則善。其如天下蒼生何。爲今之計。莫若盡去在  
幕之羣小。悉召在野之君子。相與改弦易轍。戮力王事。如其坐  
視而不知救天下大勢。駸駸入於危亡之域矣。當之不能用無  
何。憬卿亦暴卒。由是公論益不容居間。十三年卒。贈少師。安德  
軍節度使。進封魯國公。德祐初。有正言徐直方論追奪贈諡。  
鄭清之字德源。鄞人。祖單。字季厚。鄉貢士。建炎四年。金人陷明  
州。挈族辟難。賊追及。與兄章俱被執。指所產金。敘遺之。得釋。後  
賊兵相屬。單與妻董決曰。萬一不得脫。單豈北面事異國者。汝  
勉供祭祀。後果爲兵所劫。迫使之降。單罵不屈。躍入水中。董哭  
亦自沉。後累贈太師。秦國公。董秦國夫人。清之少從樓昉學。能

文樓鑰亟加稱賞入太學登第調峽州教授帥趙方器重之命其子葵出拜且曰他日願以相累白總領何炳曰湖北茶商羣聚暴橫此輩精悍宜籍爲兵炳從之趨募者雲集號茶商軍後多賴其用調湖廣總所準備差遣國子監書庫官遷學錄與史彌遠同謀廢立尋兼魏惠憲王府教授寧宗崩理宗入繼一時詔旨皆所草畫授諸王宮學教授遷宗學博士宗正寺丞權工部郎官兼崇政殿說書帝問近聞外間因閣子庫進絲履輒有謗議朕非做不易何由致此清之奏孝宗繼高廟故儉德易章陛下繼寧考故儉德難著寧考自奉如寒士衣領重澣革烏屢補今欲儉德著聞須過於寧考方可帝嘉納寶慶元年改兵部國史編脩實錄檢討遷起居郎密院編脩二年權工部侍郎進給事中紹定元年遷翰林學士知制誥兼侍讀國史實錄院脩

撰轉端明殿學士簽書樞密院事三年叅知政事四年同知樞  
密院事彌遠卒代爲右丞相兼樞密使慨然以天下爲己任會  
上親總庶政勸上召還真德秀魏了翁崔與之李塉徐僑趙汝  
談尤焞游似洪咨夔王遂李宗勉杜範徐清叟袁甫李韶又旌  
遺逸劉宰趙蕃其功居多時號小元祐上疏乞罷入洛之師不  
許拜特進左丞相三年八月霖雨大風丐去九月禋祀雷變請  
益力乃授觀文殿大學士醴泉觀使兼侍讀嘉熙三年封申國  
公四年遣中使賜御書輔德明謨之閣賜楮十萬緡爲築室費  
乃日與賓客門生徜徉山水間淳祐四年拜少保進封衛國公  
趣入見有旨賜第五年正月上壽畢拜少傅改封越國因子士  
昌喪決意求還不許拜少師奉國軍節度使更賜第西湖之漁  
莊進讀仁皇訓典謂仁祖之仁厚發爲英明故能修明紀綱而

無寬弛不振之患。孝宗之英明本於仁厚，故能涵養士氣而無矯勵峭刻之習。帝褒諭之六年，拜太保，力辭，故事許回授子孫。濤之請追封高祖，特恩從之。七年，召復右相，拜太傅，中使及門方放，浪湖山詰旦內引，叩頭辭免。帝勉諭之時，帝以邊事爲憂，奏薦趙葵、視師陳韓帥湖廣，自是戰于泗水、渦口、木庫，屢以捷聞。每謂天下之財困於養兵，兵費困于生券，思所以變通之。遇調戍防邊，命樞密屬量遠近，以便其道塗，時緩急以次其遣發。又議移歲調兵屯以戍淮面，併軍分頭目以節廩，稍移鎮江策勝一軍屯泗水，公私便之。諸路執事以虧鹽破家，濤之爲蠲其里誤者，全活甚衆。沿江舟算素重，咸次第停罷。公家之入，令分隸者從朝廷償之。十年進士，龜元吉箴一持敬，二典學，三崇儉，四力行，五能定六明，善七謹微，八察言九惜時，十務實。又疏

言敬天之怒。易敬天之休。難蓋天怒。可憂。憂則懼心生。懼則怒可轉而爲休。天休可喜。喜則玩心生。玩則休或轉而爲怒。帝大喜。命史官書之。仍詔獎諭。十一年拜太師左丞相。明堂命閣門給扶掖。二人有疾。乞罷。拜太傅。保寧軍節度使充醴泉觀使。加封齊國公。致仕。未數日卒。遺表聞。帝震悼。輟朝三日。特贈尚書令。追封魏郡王。始與彌遠共謀。倖致台輔。一時羣起而攻之。然能不念舊惡。湯巾嘗論事。侵之。及再相。巾求去。論曰。已欲作君子。使誰爲小。人力挽留之。徐清叟常論列其過。引與共政。趙葵視師久。乞罷。清之謂上。非相位不足酬勞。然葵竟不果。來晚歲政歸。妻子間廢之人。或因緣以賄進。其代言奏對。咸不存藁有。

安晚集六十卷

冊曰宋已至是殆不可爲太祖之澤久亦將頽嗣君屢絕

謀祕何追獨遺穢跡千古興悲

下大全字子萬鎮江人登進士調蕭山尉累官大理司直通判  
饒州入爲太府寺簿調尚書茶鹽所檢閱江州分司兼密院編  
脩拜右正言兼侍講辭改右司諫遷侍御史爲人藍面貪黷先  
爲戚里婢婿事內侍盧允升董宋臣寅緣以取寵位劾丞相董  
槐章木下夜半調隔兵百餘露刃圖槐第迫以臺牒給令輿至  
大理寺欲以恐之因遂出北關棄槐詔呼而散槐徐步入接待  
寺罷相之命始下太學生陳宜中等上書論大全罪不報自是  
志氣驕傲道路以目寶祐四年爲右諫議大夫進端明殿學士  
簽書樞密院事封丹陽郡侯五年同知樞密院六年正月叅知  
政事四月拜右丞相兼樞密使進封公擢袁玠九江制置玠貪  
暴逮繫沿湖土豪督促輸錢土豪怒盡以漁舟濟北兵太學生

陳宗武學劉黻宗學與偁等上書伏闕訟之御史翁應彌吳衍  
爲大全鷹犬鈐制學校並削籍拘管在位踰年罷爲觀文殿大  
學士判鎮江舍人洪芹繳奏大全鬼蜮之資穿窬之行暴戾淫  
黷引用凶惡陷害忠良遏塞言路濁亂朝綱乞追官遠竄以伸  
國法詔守中奉大夫致仕臺諫沈炎朱龜孫曹永年復論其奸  
回險狡狠毒貪殘假陛下之刑威以箝天下之口挾陛下之爵  
祿以籠天下之財削官送南康軍居住御史饒虎臣又論大全  
四罪絕言路壞人才竭民力誤邊防追三官移南安軍再竄貴  
州團練使興州守游翁明發其陰造弓矢將通蠻戎爲不軌朱  
禪孫以聞移置新州直舍人院劉震孫繳奏移徙海島將官畢  
遷護送舟過藤州擠之於水而死

賈似道字師憲天台人祖償任高郵尉守開江嘗論武興帥吳

挺暴橫殿帥郭棣郭杲擁兵乞裁抑之孝宗嘉納之後反爲所  
 擠以沒父涉字濟川弱冠直父宛好讀書慷慨有大志請城寶  
 應以憂去起復竟前役除通判真州改大理司直知盱眙軍時  
 楚州守應純之用淮人季先謀招降山東羣盜李全楊友劉全  
 石珪楊德廣葛平號爲忠義軍純之罷通判梁丙欲損其糧使  
 自潰去羣盜反渡淮屯南渡門焚掠幾盡謂朝廷欲和殘金置  
 我軍何地丙遣李全季先拒之不止其事甚危涉上言降附踵  
 至金乃請和此正用高澄間侯景遺策恐山東之禍必移於  
 兩淮若忠義之人源源而來不立定額則又安能以有限之財  
 應無窮之須授涉淮東提點刑獄兼節制本路京東忠義人兵  
 涉遣傅翼諭逆順禍福自乘輕車抵山陽衆郊迎請死誓以自  
 新俄金兵大入以計誘珪等使爲金用涉亟遣陳孝忠向滁州